

POLIZIA OPERAZIOA NAFARROAN. Bost etxebizitzatan eta El Bullicio peñan sartu zen Polizia

Madrilera eraman dituzte herenegun atxilotutako biak

Jorge Olaitzek atzo deklaratu zuen Auzitegi Nazionean eta espetxeratu dute

Erredakzioa | IRUÑEA

Jorge Olaitz 23 urteko ustezko etakideak atzo deklaratu zuen Espainiako Auzitegi Nazionean, inkomunikatuta, eta hura espetxeratze agindu zuen Guillermo Ruiz de Polanco epaileak. Guardia Zibilaren esku zela egindako deklarazioa ukatu zuen Olaitzek, eta tortura eta tratatu txarren ondorio izan zela adierazi, Amnistiaren Aldeko Batzordeen arabera. «Talde armatuko kide izatea, terrorismo delitua eta hilketa saioa» egotzi dizkio epaileak, eta Valdemoron espetxeratu dute.

Ostegun iluntzean Aitor Sola eta Leire Markina atxilotu zituen Guardia Zibilak Iruñean, eta Madrilera eraman zituzten atzo. Sola eta Markina Donibane auzoan atzeman zituzten,

arratsaldeko 8ak aldera, kalean. Ondoren, goizeko 04:00ak zirela, bi gazteen etxeak miatu zituen Poliziak, eta ordenagailu bat, argazkiak, telefono agenda eta zenbait paper eraman.

Guardia Zibilak leporatzen die balizko atentatuendako informazioa biltzea eta etakideei laguntza ematea. Informazio hori «oso zehatza» zela azpimarratu zuten polizi iturriek.

Biei leporatzen die joan den urrian Jorge Olaitzi ihes egiten lagundu izana. Olaitzek, Poliziaren arabera, parte hartu behar zuen orduan Miguel Angel Ruiz Langarika UPNko zinegotzi ohiaren aurkako atentatuan, baina kalekoz jantzitako agenteek Iñaki Beaumont atxilotu zuten. Olaitzek ihes egitea lortu zuen.

Hainbat etxetan miaketak

Atxiloketa hauen ondotik, goizeko 02:30 aldera, Leire Saralegiren etxea miatu zuen Poliziak, Arrotxapea auzoan, eta argazkiak, telefono agenda, musika zintak, disketeak, preso gutunak eta zenbait paper eraman zituzten.



MIKEL SAIZ

Carmen kalean El Bullicio peñak duen egoitza.

Ordu berean, Karmentxu Izturizen etxean sartu zen Polizia, Pio XII.a kalean. ABBek adierazi zuten bi kasuetan bortizkeria erabili zutela poliziek, eta hainbat material pertsonal eraman zutela bertatik.

Atzo eguerdian, era berean, Isturiz bizi den Gasteizeko Cercas Bajas kaleko etxera ere joan ziren agenteak. 13:45ean izan zen miaketa, eta Isturizekin batera bizi ziren ikasleak galdekatu zituzten.

Poliziak miaketa hauetan «garrantzizko ezer ez» zuela aurkitu adierazi ondoren, *Nafarroa komando* berriaren azpiegitura «deseginda» zegoela nabarmendu zuen, eta «hainbat informazio» ez ezik, bi edo hiru kilo —iturrien arabera— haxix ere atzeman zuela adierazi zen.

Poliziak Iruñeko Carmen kaleko El Bullicio peñaren egoitza ere miatu zuen. Bertako bazkide da Olaitz. Miaketa goizeko 06:45ean izan zen, bertan peñako presidentea zegoela. Guardia Zibilak etxe bateko miaketan aurkitutako giltza, bertako zerrailakoa ote zen frogatzera joan ziren, baina giltza bertakoa ez zela ondorioztatu zuten.

Poliziak Iruñeko Carmen kaleko El Bullicio peñaren egoitza ere miatu zuen. Bertako bazkide da Olaitz. Miaketa goizeko 06:45ean izan zen, bertan peñako presidentea zegoela. Guardia Zibilak etxe bateko miaketan aurkitutako giltza, bertako zerrailakoa ote zen frogatzera joan ziren, baina giltza bertakoa ez zela ondorioztatu zuten.

POLIZI OPERAZIOA BIARNON. Zauritutako jendarmearen egoera egonkorra zen atzo, baina larria beti ere

Poliziak bigarren ekintzailea ere identifikatu dutela dio

Erredakzioa | BAIONA

Asteazkenean Pauetik hurbil tiroz zauritu zuten jendarmearen egoera egonkorra zen atzo, nahiz eta oso larri jarraitzen zuen. Poliziak ustezko tiro egile biak identifikatuak dituztela jakinarazi zuen atzo. Agus Figal

Arranz da, ustez, bigarren kidea. Ibon Fernandez de Iradi lehenetik zuten identifikatu. Haien erretratu-robotak zabaldu dituzte. Polizia iturriek zehaztu zuten azaroaren 17ko tiroketan parte hartu zuena eta asteazkenea ez direla pertsona bera. Hasieran Fernandez de Iradi

leporatu zizkioten bi tiroketak. Lehenbiziko tiroketaren egilea zela gezurtatu zuten atzo.

Poliziak ia ziurtzat du ETAko ustezko bi kideak taxiz joan zirela Oloruetik Maulera. Maulen haien arrasto oro galdu zuten.

EAJren eta PSren gaitzespenak

EAJren Ipar Buru Batzarrak «ekintza koldarra» gaitzetsi zuen. «ETAk Ertzaintzari egiten dion presioa gero eta azkarra-

goa da eta estatu frantsesaren lurraldera gaidika daiteke», abisatu zuen. «Aginte publikoak eta tokiko indar politikoak erne egotera» deitu zituen, «aterabide politikorako aukerak mantentzeko». Alderdi Sozialistak eta Jean Espilondo diputatuak ere gaitzetsi zuten asteazkeneko gertakaria. Espilondoren tzat, «terrorismoaren kontrako borrokak estrategia aldaketa kontuan hartu behar du».

EUSKAL PRESOK

Torturapean zigortutako sei bizkaitarren espetxe agindua salatu dute

Maider del Olmo | BILBO

Torturapean jasotako testigantzetan oinarrituta Espainiako Auzitegi Nazionalak sei bizkaitarren aurka espetxealdia betetzeko eman duen agindua salatzeke, manifestazioa egingo dute gaur Santurtzin, 17:30ean. Preso ego-nak dira; falta zaien zatia betetzeko agindua da.

Santurtziko herri ekimenak deitu du manifestazioa, bertakoak baitira sei auzipetuetarik bost. Ekimen horren barruan daude, besteak beste, Batasuna eta EA alderdi politikoak.

Aitor Olabarria, Pako Palacios, Patxo Zabala, Josu Eguskiza, Encarni Blanco eta Xabier Arriaga 1992an atxilotu zituen Guardia Zibilak, ETaren *Bizkaia komandoaren* aurkako operazioan. Hiru urte geroago Espainiako Auzitegi Nazionean epaitu, eta zazpi urteko kartzela zigorra jaso zuten, «erakunde armatuari laguntza emateagatik».

Auzitegiak onartu zuen torturatuak izan zirena, baina sei bizkaitarrak zigortu egin zituen.

Bizkaiko Probintzi Auzitegiak hainbat guardia zibil zigortu zituen auzi horretan torturengatik, baina haietarik batzuk zigorgabetu egin zituen gero Auzitegi Gorenak. Helegiteak Espainiako Auzitegi Konstituzionalean daude, epaiaren zain.

Santurtziko Herri Ekimenak «mendekutzat» jo ditu espetxeratze aginduak, eta gatazka politikoa luzatu besterik ez dutela egiten adierazi. Sinadura bilketa hasi dute.

Euskal Herria, Belgika, Espaina, Frantzia eta Italiako elkarte irratien topaketak

IRRATIAK, KULTURAK ETA HERRI HIZKUNTZAK

Confédération
Nationale des
Radios
Libres

NAZIOARTEKO KONGRESUA

Abenduaren 6etik 9a arte

Domaine de Françon - Biarritz

Gure Irratia
106.6 - 90.5 FM

